

吳佩孚先生詩稿

一九二五年十一月

永華印局代印

吳佩孚先生詩稿目次

一 竹德頌

二 詠畫竹

三 題五龍梅

四 與越南某問答聯句

五 讀馬愼堂司令手書

六 衡陽秋望

七 湖南班師夜泊洞庭

八十九

快雪

答規壇送行詩

題獅三

題獅二

題獅三

題獅四

十一

詠竹

前題

十二

祝曹經略使壽辰

其二

十三

贈丁紹鴻

并序

十四

己未冬憶及戊申季夏同李式臣兄等
在臨江縣之大李子溝附近馬驚躍入
鳴綠江心余心不慌策馬浮水登岸

十五

題梅

十六

題陳夔卿雙龍捧月梅

前題

十七

自述

十八

感事

十九

己未初夏勸提前徵收以補助軍餉適

值山東問題發生

二十

己未榴月胡道招飲

二十一

鐵樹開花

井序

其一

其九 其八 其七 其六 其五 其四 其三 其二

其十

其十一

其十二

其十三

其十四

二十二

戊午臘月陰雨匝月忽於己未立春

前三日夜警雷大作兼雨冰雪次日

天晴

二十三

己未雨水後三日天晴承衡紳招飲
就近登城覽眺適值上海開和平會
議有感而作

二十四

己未驚蟄前後晴雨風雷連日上海
和議停頓陝戰仍屬進行各方電文
紛馳頗有懼意有感而作

二十五

感事

并序

二十六

勸官兵勤學預備對外歌

二十七

湘南善後協會送到醴陵兵燹圖一卷披覽之餘心爲之惻當時直軍甫抵衡陽未遑往救事後聞之常以爲歉今見全圖益覺慘然用賦七律六章以誌感慨

其一
其二
其三

其四 其五 其六 其四 其三 其二 二十九 二十八

登樓 憤時

并序

三十 長白山

三十一 鴨綠江

三十二 登蓬萊閣

三十三 君山

三十四 隨曹蔣二將軍遊君山

三十五 楊子江

三十六 重遊一畝泉

三十七 國事難

三十八

出師詩

三十九

牧馬嶺

四十

襄樊回師遇風

其一

其二

四十一

羊樓司東方關公山作戰

四十二

岳陽見手植桃樹開花

四十三

述懷

并序

四十四

贈人

并序

四十五

步兩湖宣撫使原韻七絕五首

其一

其二

其三

其四

其五

四十六

謝湘紳勸駕

其五	其四	其三	其二	其一	四十九	四十八	四十七
					遊 响 樓 峰	懷 古 林 文 忠	懷 古 岳 武 穆

五十
湘南回防途次十二疊

吳佩孚先生詩稿

竹德頌

兩度出師西南征。錯亂參差總不平。少時自負班生筆。丁筆無人攫

其鋒。由斯破敵如破竹。慚愧國際少奇功。從今虛心要師竹。聊寫
數竿定時評。嶰谷石竹質堅硬。挺然不拔烈士風。淇澳水竹葉疎落
。有裴君子心理同。崆峒大竹引鸞鳳。志士仁人致和中。節勁羞與
羣芳伍。夙秉天地之精英。鐵雨金風等閒度。憂然長嘯作雷鳴。不
是牡丹誇富貴。不是桃李鬧春城。嗚他弱柳隨風舞。笑彼高葵向日
傾。梧桐金井吟秋日。秋日蒲蘆等飄蓬。何如此君耐歲寒。凌厲霜



雪益晶瑩。品格清高梅作友。後凋松柏皆同盟。偕隱常伴傲霜菊。嘉賓君子蓮與芡。連年雖覆經冬雪。何嘗一歲一枯榮。世事榮枯原無定。此君經久不凋零。經冬猶綠節乃見。秀骨珊珊傲公卿。無奈世人爭榮利。冷暖炎涼屢變更。與可老去東坡死。何人愛竹表至誠。惟我獨坐幽篁裏。千竿搖曳來歡迎。炎夏無風還習習。夜深不而亦鏦鏦。萬念都消過竹院。剎那半日度浮生。吁嗟乎，莫道草木無知己。日到稍頭分外明。渭川千畝今猶昔。輞萬竿尙清清。人事代謝成今古。竹雖代謝無新陳。古人對竹猶感慨。今人畫竹獨無情。我從去年離帝京。罷戢謫居在湘衡。瀟湘多竹甲天下。風晴雪雨異

其形。今我感時學寫竹。歎息時局多棘荆。儘日寫竹消壘塊。酒後
搦管任縱橫。寫盡胸中抑鬱不平事。寫出胸中磊落之光明。胸有成
竹腕底運。下筆春蠶食葉聲。斯須千竿萬竿出。一洗塵囂滿座清。
關岳夙秉春秋節。韓范胸羅百萬兵。符節運籌眞若合。丹青竹帛獨
立名。百練此身成鐵漢。南天孤柱一身擎。燕雀焉知鴻鵠志。冲破
秋空一點清。恨不渴飲東瀛水。策馬崑崙頂上行。昂首天外放開眼。
左顧太乙右長庚。人生富貴竹頭露。成敗興亡棋一枰。安得中山
千日酒。醉時對竹歌復賡。竹山有塢同招隱。百年回首計歸程。歸
到蓬萊多種竹。養成高標釣滄溟。

詠畫竹

去年戰罷衡陽守。悅性陶節惟詩酒。今年畫竹性徧豪。追隨與可東坡後。底事投筆復捉筆。大局如斯難着手。空負七尺昂藏軀。世人笑我竹不如。半生戎馬席未煖。徒羨輞川千畝餘。君不見十年滄海爲桑田。草木榮枯屢變遷。何如此君獨挺秀。勁節高標欲插天。丈夫最重節與義。義薄雲天節愈堅。敢云畫竹能師竹。虛心願學古人賢。

題五龍梅

陳襲卿梅畫工。濡染大筆妙無窮。斯須紙落雲烟滿。頭角崢嶸起蛟

龍。遠看爪牙交相錯。近看蟠踞爭長雄。前寫二株余嘆賞。今見五梅疑慮生。初疑五龍爭神府。繼疑五洋擾中土。五馬奔騰唐運衰。五胡亂華晉無主。質諸陳君但唯唯。寫梅何敢及恥辱。五族共和氣象新。同種那堪再殘酷。數點原取天地心。天數五分地數五。五出五花南北枝。陽春有脚旋遍布。五株齊放大地春。五洲大同寄絹素。余感斯言驚且喜。乾坤包括一畫裏。人人能曉畫中意。天下從此太平矣。

與越南某問答聯句

庚申春

君爲國破家何在。我則唇亡齒亦寒。中燕市無人狙呂政。越信陵有

意救邯鄲。秦庭七日終復楚。中滄海一雄欲報韓。越祇要常存精衛志。中大那援手不爲難。越

讀馬慎堂司令手書

肝膽相期第一人。南轅返旆向東巡。自慚國際少功績。忍見神州竟陸沉。外侮頻仍應共禦。中華原有不亡存。安那郅治匹夫責。我輩寧無濟世心。

衡陽秋望

衡岳峰高落照斜。仰觀北斗念京華。碧梧棲老朝陽鳳。古劍空投當道蛇。湘水蕭蕭寒戰骨。秋風莽莽動悲笳。花旗八載河山整。夷夏

居然共一車。

湘南班師夜泊洞庭

洞庭春盡水連天。唱凱歸來萬里船。浩月通明過翼軫。青山無恙少人烟。征夫交替當關路。風景依稀似昔年。草木餘腥驚撲鼻。蒼涼戰疊峙當前。

快

雪

民國十年年節前五日洛陽大雪三尺餘深年節未息

洛陽冬仲雪滿天。陽九年終陽十年。令出因時應有效。瑞臨大地普無邊。神龍變化河山改。衆鳥翩翻宇宙寬。天欲爲民蘇困苦。故將珠玉被塵環。

答金規壇送行詩

東瀛蜃氣幻。任他千萬變。華夷未大同。天然分界線。何時仗天威。
提師清禹甸。求賢慕唐虞。輔以五明扇。尊攘師夷吾。主盟次第
遍。窮達由天命。獨善且兼善。止戈效楚莊。爲伍羞絳灌。時勢貴
匡濟。榮利何足羨。閱牆難寧息。慚愧星霜換。跂望雷震震。一聲
馳閃電。追隨花旗後。八載定內亂。城社雅頌聲。狐鼠人羞見。臨
別示禪機。感答作紀念。

題獅一

調寄滿江紅

睡獅十年爲族類。夢魂眷念醒轉來。巢覆卵壓河山改變。神州大半

奔走忙。城社狐鼠盤踞遍。夢寐間誤了衆生靈恨無限。

抖金毛，星燦爛。舒玉爪，光閃電。吼一聲，喚醒塵寰夢幻。忍飢
櫻食虎豹伏。長嘯震驚鳥獸散。待從頭力搏四象回加餐飯。

題獅二

調寄西江月

幾許穿墉雀鼠。一般當道豺狼。妖狐狡兔亦猖狂。何如此君猛壯。
叱咤風雲變色。吼鳴虎豹潛藏。一聲長嘯震扶桑。威名稱雄海上。

題獅三

調寄浪淘沙

猛獸擾神州。虎嘯猿愁。龍蛇狂鬥何時休。睡獅已醒。君知否威震
星球。雄武坐貔貅。氣吞驍騮辟易千軍萬火牛。狐鼠犬羊驚避走。

豪氣千秋。

題獅四

前調

殺氣滿乾坤。逐鹿中原。雄獅堅臥睡崑崙。雖云夕陽無限好。只近黃昏。師嚴道自尊。夢醒驚魂。一聲長嘯達天門。堪笑城狐與社鼠。豕突狼奔。

咏竹

庚申春

層層密密設藩籬。葉茂根深固本基。鮮鐸時聞聲簌簌。放稍惟見影離離。新篁拙分先後。老幹縱橫有正奇。界限綿亘千萬里。此中消息個人知。

前題

老幹亭亭插碧霄。枝如戈戟葉如刀。呼號風雨聲悲壯。俯仰乾坤影動搖。淇澳萬竿應借取。瀟湘千頃放光毫。但憑節勁根深固。那怕東瀛起怒潮。

祝曹經略使壽辰

己未冬

去年今日侍 鈞顏。獻壽稱觴第一班。文武鞠躬階上下。勞謙答禮院中間。堂開綿繡無雙品。劇演新奇有八仙。此日登臺依北望。烟雲偏又障關山。

其二

撥開雲霧見晴天。旋轉乾坤氣浩然。百歲玉麟欣繞膝。千秋金鑑祝當筵。三軍奏凱收鼙鼓。萬姓騰歡勝管弦。北望瞻依齊獻壽。預期今日待來年。

贈丁紹鴻

并序

二十年前同飲者李經武辛丕謨郭慶生已故丁紹鴻陶竹幹均在異鄉

風塵廿載愁滄桑。此夕與君重舉觴。往事不堪重回首。故人零落熱中腸。同遊知己今何在。共話當年亦渺茫。酒友六人三尚在。三餘各自走他鄉。

己未冬憶及戊申季夏同李式臣兄等在臨江縣之大李子溝附近馬驚跳入鴨綠江

心余心不慌策馬浮水登岸

鴨綠江灘湍急流。書生躍馬任浮遊。一鞭衝破千層浪。疑似潭溪渡漢劉。

題梅

己未仲秋

世亂他鄉見寫梅。縱橫妙墨起風雷。孤標不受金鈴護。萬萼何關羯鼓催。幹老猶龍噓氣旺。枝高有脚帶春回。崢嶸頭角非凡品。壓倒羣英獨占魁。

題陳夔卿雙龍捧月梅

疑是龍蛇競鬥爭。爲因片土未分明。翻紅墜素河山改。舞爪張牙草

木驚。老幹崢嶸千氣象。中華慘澹苦生靈。一枝妙筆情無限。寫盡人間事不平。

前題

派別枝分源本同。何堪一味昧平生。繁華不是千年業。老幹須堅衆志成。有脚陽春持保泰。無邊大地放光明。圖開面面眞神妙。歷歷興亡一幅中。

自述

心恨東夷肆西封。書生投筆便從戎。廿年歷盡風濤險。百戰愧無國際功。割地輸金錯已大。請纓繫闕膽應雄。何時了却出山願。歸到

蓬萊得務農

感事

惱恨妖狐假虎威。樂人之禍乘人危。眼前只顧爭榮利。暗裏那知伏殺機。鑒子陰謀坑北地。岩江拱手獻東夷。螳螂奮臂蟬雖捕。黃雀飛來後悔遲。

己未初夏勸提前徵收以補助軍餉適值山東問題發生

軍餉源難汨汨來。夜深展轉起徘徊。明知遍野哀鴻苦。爲盼朝陽曉鳳階。又有風波生領海。更多烟霧障春台。請君爲我原情計。數萬

羆貅定感懷。

己未榴月胡道招飲

東主新栽花滿庭。盡除嚙昔草蒙葺。一池清水遊魚樂。幾樹高柯好鳥鳴。北院青蕉能蔽日。東鄰綠竹慣生風。此情此景天機活。人傑方能見地靈。

鐵樹開花

并序

鐵樹一名鳳尾蕉。諺云如要事成除非鐵樹開花。言其難也。自本軍提倡息爭禦侮業經年餘。熬至今夏衡陽附近之鐵樹數株似有感動俱開黃花。而和局尙無成議。聊賦數章以觀將來。

其一

當年折戟盡沈沙。地下盤根又茁芽。向戍緝兵天贊助。故教鐵樹頓

開花。

其二

莫言草木竟無知。奇樹開花端亦奇。鐵石頑根都變化。陽春有腳到邊陲。

其三

兄弟鬩牆一念差。干戈直欲遍中華。頑人莫向天南笑。鐵樹今年已放花。

其四

鐵樹又名鳳尾蕉。花開黃麗色偏饒。天公垂象須知警。今已潛消粵

海潮。

其五

此樹原名鳳尾蕉。花開六十歲遙遙。而今相去無多日。重把虞山句再嘲。

其六

不事雕鏤與琢磨。天公仁誦近偏多。從知戡亂無難事。一簇黃花應天和。

其七

手握兵符感物華。苦熬鐵樹已開花。箕然何事偏煎豆。刀快方知能

斬蕨。蕉鹿乾坤舒鳳尾。雷霆風雨起龍蛇。中原和局從此定。南北同胞仍一家。

其八

漫云和議事難成。鐵樹開花造化功。草木有知垂朕兆。天心厭亂起沙蟲。鋤奸自古無良策。罷戰何人識苦衷。喚醒同胞齊驚覺。闔牆到底不英雄。

其九

欲知後果與前因。百鍊金鋼是此身。鐵樹崢嶸如鳳尾。琪花璀璨似龍鱗。天消戾氣羣生遂。甲洗銀河四海春。草木有情今獻瑞。行看

銅馬出荆榛。

其十

洋風鼓盪徧天涯。鐵樹而今已着花。黑霧消除瞻北斗。黃金燦爛耀中華。廣平作賦心腸硬。魏絳和戎國土加。寄語當途須特立。莫教紛亂似蓬麻。

其十一

後來鐵樹難爲花。今夏衡陽已放葩。却火萬千資鍛鍊。同根團結燦烟霞。錚錚不受金鈴護。咄咄非關羯鼓撾。知是天公宏鑄造。故留朕兆啟中華。

其十二

樹稱鳳尾無雙儔。壓到羣芳鐵力遒。同種相殘成大錯。奇花乍現悟神州。英雄誓忘恢疆宇。草木無情示咎休。舉世健兒堅且忍。共斯性質固金甌。

其十三

漫云草木最無知。鐵樹開花有定時。向係卯年纔吐艷。今逢未歲已生姿。含葩果是傳先兆。攝影聊爲驗後期。太息東鄰思往事。內爭不息益淒其。

其十四

時事糾糾似亂麻。何人爲國便忘家。和平有會難收果。鐵樹無知亦着花。歐信傳來成大錯。天書降下禍中華。妖祥自古難憑事。一點丹心寄晚霞。

戊午臘陰雨匝月忽於己未立春前三日夜
警雷大作兼雨雪次日天晴

雷霆忽震立春前。咫尺天威不可干。電伯長驅妖孽走。曙光一綫到人間。

己未雨水後三日天晴承衡紳招飲就近登
城覽眺適值上海開和平會議有感而作

衡雨嶽雲纔撥開。和風一道海東來。郊原新綠轉枯草。嶺上殘紅見落梅。野蔓有情縈戰骨。山嵐無恙脫劫灰。臨樓把盞客心慰。斗酒百篇何壯哉。

已未驚蟄前後晴雨風雷連日上海和議停頓陝戰仍屬進行各方電文紛馳頗有懼意有感而作

忽晴忽雨間鳴雷。言戰言和哭帶聲。人事如斯天亦醉。天時已至人誰醒。

感事

已未夏四月并序

本隨入川入湘所有激烈戰鬥俱在春夏茲幸上海開議和平有成因念及昔年苦狀較今日有天淵之別爰賦七律一章以誌不忘云

何事年年苦鬥爭。夏來春盡倍淪情。龍蛇起陸河海裂。蟻蝨叢生甲
 冑腥。浩劫四封中外困。殺聲一震地天驚。謀和幸有名賢在。代表
 人間第一功。

勸官兵勤學預備對外歌

惱恨東夷把我欺。軍中學術講休遲。戰時能力須勤練。世界潮流要
 預知。大將晨光星落落。神州夜雨草離離。

言中國將官雖多難爲大將兵極複雜程度亦甚低劣如黎明

星之落落雨後草之離離多而無用也盼君個個都努力。牖戶綢繆正此時。

應趁外交尚未決裂之時力整軍隊也

湖南善後協會送到醴陵兵燹圖一卷披覽
 之餘心爲之惻當時直軍甫抵衡陽未遑

往救事後聞之常以爲歉今見全圖益覺
慘然用賦七律六章以誌感慨

其一

醴陵兵燹古今無。劫籍分明州幅圖。邑里庶民皆善類。將軍號令太
糊塗。人誰肯向蒼天問。師出何關赤子辜。戰後千家餘一二。歸來
無淚洒窮途。

其二

醴陵展望陣雲開。痛恨元戎匹馬回。是就一言成禍水。忍將百姓付
塵灰。斑斕遍地千家血。烽火連天萬骨堆。披覽遺圖心惻憫。英雄

無淚亦心摧。

其三

州幅圖開滿目愁。將軍失利亦堪羞。冤埋三字莫須有。孽果一生記得不。殘殺無辜兵即匪。敗亡何苦民爲仇。可憐劫後成焦土。梗塞緣江鳴咽流。

其四

嘆息中原無將才。醴陵慘劇亦堪哀。連天砲火千家血。幾世精華一炬灰。豈是蒼天造劫數。可憐赤子懼兵災。至今憑弔綠江口。江水滔滔去不回。

其五

大將出師靖楚氛。偶逢勁敵覆全軍。不思失律拋旗鼓。反犯良民潤斧斤。睢水昔遭回祿劫。長平又見武安君。此間密邇未遑救。披覽全圖疚若焚。

其六

遍野屍橫骨未收。冒功掩罪不知羞。三軍換取千人命。一炬燒成萬古愁。愧我未遑拯水火。恨他有意逞戈矛。斑斕碧血痕猶在。大錯何堪鑄九州。

登樓

并序

己未仲夏月內子佩蘭偕女伴登房主魏姓之樓半日間四
外陰晴電雨風雲變態異常歸述所見爲作七律以誌之

山雨欲來風滿樓。頑雲入座使人愁。數聲霹靂從天降。一道虹霓吸水流。邪霧東來驚撲面。夕陽西照又當頭。乾坤摩蕩尋常事。轉使英雄懷隱憂。

憤時

己未又七月白露第三日作

師次衡陽又有秋。驚風陣陣使人愁。西歐盟會望收果。東海波濤憤倒流。已恨大官無善策。竟教鑒子逞陰謀。英雄嘆息時難再。吐氣如虹貫斗牛。

其二

贈吳自堂總司令步原韻

瀟湘烟雨洞庭秋。無限風波無限愁。萬里浮雲能蔽日。百川學海總歸流。亡秦空負投鞭恨。收楚還須借箸謀。自古佳兵終弗戢。何如賣劍買耕牛。

其三

王旅長孝伯有憤時詩三句余爲續成之誤以他字在六麻。

後果前因同一車。羣生浩劫苦無涯。老儒當國難爲主。豎子籌邊竟任他。鐵鑄九州成大錯。城堅衆志奠中華。祈天賜我龍泉劍。摩厲以須斬亂麻。

其四

莫道無人斬毒蛇。忍將億兆付蟲沙。熊羆堅臥當道路。鬼物能撐幾歲華。但得吳鉤誅巨憝。還教禹鼎鑄羣邪。中原從此烽烟息。南北同胞仍一家。

長白山

戊申夏登臨

鴨綠松圖江自流。溯流直上白山頭。闔門潭水羣峰繞。韓滿山河一望收。海外爭營新世界。漢家猶守舊春秋。諸君努力扶危局。莫戴南冠泣楚囚。

鴨綠江

戊申冬在安東縣

鴨綠江流萬里長。十年兩戰事非常。誓心報國甘嘗膽。割地輸金痛

斷腸。海外英雄營世界。漢家父老話滄桑。姑將一掬傷心淚。洒在壺中作酒漿。

登蓬萊閣

壬子春歸里登臨有感

北望滿洲。勃海中風潮大作。想當年吉江遼審。人民安樂。長白山前設藩籬。黑龍江畔列城郭。到而今外寇任縱橫風塵惡。

甲午役土地削。甲辰役主權墮。嘆江山如故。異族錯落。何日奉命提銳旅。一戰恢復舊山河。却歸來永作蓬萊遊。念彌陀

君山

乙卯春遊

共濟君山來往過。適逢湖水起風波。古今多少沸騰事。常使英雄喚

奈何。

隨曹蔣二將軍遊君山

乙卯秋

君山一望洞庭秋。沅芷湘蘭水上浮。底甚風潮平又穩。將軍砥柱在中流。

楊子江

癸丑夏在嘉魚縣

大江東去勢漫漫。淘盡英雄幾萬千。何是外夷來侮弄。寔因同室自相殘。事關家國心常切。話到滄桑淚不乾。但願諸君學武穆。黃龍痛飲不爲難。

重遊一畝泉

丁巳夏

諸友畢某適值大風又因北京開軍事大會議故興感焉

一畝泉中水。波瀾上下翻。三關環其北。豫魯接東南。昔年舊遊地。
汪洋水滿灣。焉知十餘載。滄海變桑田。大好中原土。何人保治安。
列強爭割據。虎視何眈眈。軍國開會議。風潮在眼前。盼望有心者。
回首挽狂瀾。

國事難

調寄蜀道難

噫吁嚱危乎險哉。國事之難。難於前代前。七雄紛爭後。太平有幾年。
邇來七百有餘歲。乃與歐美通人煙。北極強俄爲封承。橫亘滿洲東海邊。
西伯利亞黑龍廢。然後外交失敗兵禍連。

前有中英鴉片之戰爭。後有甲午庚子之危險。通商之約。尙不通過。香港永割不歸還。虎視何眈眈。搏噬誅求總無厭。利益均霑援成例。政府左右爲難。

國民酣睡何時醒。前途茫茫不忍言。但見藩籬都撤盡。港灣要塞一律捐。又聞改政體。一味搗亂玩。國事之難。難於前代前。使人話此淚不乾。

可嘆五月七九日。哀的美敦迫我急。齊魯分崩閩滿危。舉國叫囂疾若雷。其險也如此。嗟爾內訌之人胡爲乎來哉。

中華大國勢巍巍。地廣物博民智初開。列強脅誘我莫非狼與村。惟

利是圖。不顧其他。朝野上下。紛亂如麻。對外雖有。意不如治自家。國事之難。難於前代前。越雪吳恥應效法。

出師詩

男兒立志護中央。邢怕逆軍百萬狂。元首餘威加宇內。偏師直搗過陽衡。志存宋室岳忠武。心羨漢朝張子房。寄語征南諸將士。此行關係國存亡。

登黃鶴樓

丁巳冬隨軍抵武昌登樓有感

登臨四望。遍國中無一完土。想常年德彼蠻夷。四民鼓舞。印度韓越作藩籬。燕豫吳秦稱畿輔。到而今兄鬩於牆招外侮。

洪楊亂。邦交促。拳匪亂聯軍入。說什麼革命民間幸福。誓擬提師平內亂。回兵共雪國恥辱。跨黃鶴重續漢陽遊。學呂祖。

牧馬嶺

丁巳冬

立馬嶺岡豁戰眸。陣雲開處一溪流。機春水泚猶傳晉。黍秀宮庭孰憫周。南服只今殲小醜。中央何日持全籌。誓將七尺酬國家。怒指天涯淚不收。

一月廿日督戰牧馬嶺憶及岳夫子題驟馬岡詩就中更換八字適合本日情況可見古今同慨

襄樊回師遇風

其一

克復襄樊地。旋師順水流。乘風破巨浪。人力豈能謀。

其二

鼇鼉千里駛襄河。隊隊征帆旦夕過。北闕光明昭日月。南方妖孽起風波。昔人曾擊中流楫。今日孰揮落日戈。萬解樓船爭一刻。臨頭大事莫蹉蛇。

羊樓司東方關公山作戰

戊午春

關公山上戰雲封。血濺征袍點點紅。爲使中央權統一。將來海外決雌雄。

岳陽見手植桃樹開花

桃樹三株手自栽。花開嫩蕊爲誰來。不爲賓主供玩賞。而以兵戎相見纔。

述懷

并序

衡陽蕭紳相邀作南嶽遊并歷述羣峰之勝景維人之深致意緒頗佳抑知羽書傍午軍人那得消閒携杖登山高士獨饒清興有負斯約良用歉然率賦俚言藉鳴胸臆

南嶽羣山壯大觀。空留戎馬未遊玩。消閒但得容多日。造極登峰定必然。

贈人

并序

朔自入衡以來屢承各界歡迎謠送之詞揄揚太過愧何敢當爰賦七律一章藉鳴謝忱并作贈言

衡山南北駐王師。遍野嗷鴻孰使之。本爲國家殲小醜。敢將勳業耀明時。山林嘯聚何須取。湘水潮流尙識機。剗却內憂消外患。此心惟有鬼神知。

步兩湖宣撫使原韻七絕五首

其一

不是競操同室戈。惟因南服起風波。恩公獨運擎天手。洗甲天津渡大河。

其二

洗盡湖湘戰血腥。大江南北仰威靈。勳名武惠分今古。史冊輝煌一樣青。

其三

中天普照大星明。海內謳歌雅頌聲。北定幽燕南服楚。功成身退不居名。

其四

東海洋表大風。誓清內亂掃羣雄。飛來羽檄森嚴令。字挾風霜氣貫虹。

其五

巍巍功德著湖湘。亘古照人儘熱腸。餘子紛紛何足數。一生崇拜郭汾陽。

謝絕湘紳勸駕

富貴從來不願求。惟因國恥繫心頭。天公默佑一朝雪。終伴赤松海上遊。

懷古一 岳武穆

撼山容易撼軍難。軍號岳家策萬全。炎宋再興無上績。朱仙一戰定中原。黃龍搗去臣心願。金字牌來士胆寒。無限風波無限恨。可憐二聖不歸還。

懷古二 林文忠

攘外籌邊誰與儔。羨公粵海整貔貅。軍威大振東南土。夷寇潛侵吳越州。聖斷誤聽多士子。國權喪失幾春秋。後生願繼先生志。軍事從今着力修。

遊响嘯峰

其一

响嘯峰頭接夏王。千秋禹迹紀茫茫。碑留古篆神呵護。不怕金風鐵雨狂。

其二

事似棋爭一着先。仙人遺跡古今傳。問誰參透局中妙。惹得今人攬利權。

其三

峰頭一望茫無邊。萬類凋傷不忍看。同室競爭猶未已。外夷干涉悔之難。英雄到此心先碎。主客相看鼻欲酸。忽憶宋明亡國事。不由血淚洒胸前。

其四

保障西南第一山。披開雲霧見青天。笑看七十二峰頂。變態陰晴不一般。

其五

我曾北駐長白望滿洲。興亡王跡慨千秋。我曾東遊泰岱瞻中土。羣
雄角逐空前古。自我從戎廿二春。四郊轉戰嘗苦辛。西平晉蜀收天
險。北靖幽薊蕩妖氛。身經百戰輕餘子。獨愧未能滌國恥。枕戈秣
馬磨厲須。誓掃逆夷伸邦紀。負隅虎子擾封疆。殘民以逞勢狡猾。
北請長纓出城闕。南驅壯士入瀟湘。瀟湘之水清且綠。沅芷汀蘭香
馥郁。雖未乘槎窮河源。已免瞿塘風濤惡。師次衡陽越歲月。流光
驅馳驚雪掣。閒披湘志山水篇。得覩衡山之高聳。高有九萬七千三
百尺。中有岵嶸峯。久藏神禹跡。屢欲著屐遊。軍事苦勾留。我今

幸掃塵氣息。急思探幽覽勝豁。心目適來專使眞罕儔。酒酣結伴尋
山幽。兼邀勝侶携酒榼。清晨出郭揚輕舟。人家臨水戶未啟。紆廻
宛轉沿溪流。倚窗縱目空際望。遊興勃發狂難收。須臾嵐光忽遠墜
。紛紛青翠盈雙眸。各乘驕騎覓蹊徑。披蘿拊葛窮其勝。遙指拾穗
巖。側盼。駕鶴亭。我軀未憊何能停。松篁夾路寒交翠。沾衣欲濕
石氣青。磴道盤空鬱紆綢。白雲萬壑馬頭開。丹崖碧相掩映。奔瀑
激石喧春雷。初至梁僧補衲處。繼賞李泌讀書臺。回折始抵禹王殿
。千年廟貌尙崔巍。崎嶇岑寂人罕到。猿鳥肅客僧前導。煮茗爲汲
白雲泉。風生兩腋味清妙。從者忽指啣巒峰。攝衣獨自刈蒿萊。聲

牙倭偃不可讀。文字古奧費疑猜。回頭下視興忽作。立馬峰巔窮寥廓。荆楚歷歷指掌中。三湘七澤等杯勺。路遙地險勢傾仄。小隊隨行半無力。上有翠鸞之峰未得登。下有白龍之潭深莫測。遊興尙未捐。飛身獨高騫。回首疑在白雲裏。直欲乘雲到九天。左執鐵冠先生手。右拍青城道士肩。遺世獨立仙乎仙。吁嗟乎仙人一去空秋草。一局殘棋收何早。惹起後人黑白爭。帝王專制遂難保。那堪民國甫七年。西南六省起風烟。鷸蚌爭持漁人利。茫茫殺氣黯江天。已率偏師下湘岳。再忍窮兵再角遂。全湘市鎮遭焚屠。人民流離鬼夜哭。滿目瘡痍淚不乾。秋毫無犯軍紀肅。蒼黎識我寧爾心。兵民狎

人歸屋。直到衡陽請休戰。半載光陰驚忽忽。名山累歲爲干戈。萬峰
猶聳無情緣。今日勝蹟喜經過。亂後風景奈愁何。蓬蒿半沒戰士骨
九。曲湘江咽碧波。惟期早得承干世。西南住戶皆安堵。余志戡亂
在救民。禹疎九河民宅土。均是仁民愛物哀。茫茫此意有誰同。行
上空山人不見。寒鈴破塔語西風。旣傷抑鬱鮮同調。惟向神碑一憑
弔。更慨頻年殺運開。孰憐四民窮無告。禹廟金爐久燼香。獨留此
褐鎖衡湘。輸他閱盡興亡恨。窮簷百尺峙斜陽。晚鐘已動策歸騎。
月明如洗照大地。浩歌歸去首重回。人生百年眞如寄。禹王赫赫亦
山邱。身外功名同敝履。奠定九州宅四隅。神勛靈蹟千古賁。我今

安得后羿弓。奮射扶桑金鳥墜。內清外肅釋仔肩。煮石莫談名與利。
。閒邀赤松子。悶召王方軍。狂攬北斗雲漿傾。訪尋秘錄語長生。
閒游玉宇訪瑤京。胡能名疆利鎖束。縛人低首下氣長。如此山靈應
笑我鄙矣。轉瞬班師弗重來。直效淵明賦歸去。

湘南回防途次十二疊

行行重行行。日歸復日歸。江南草木長。衆鳥亦飛飛。憶昔赴戎機
長途雨雪霏。振旅來湘浦。萬里整天威。詎意輦轂下。妖孽亂京畿
。虺蛇思吞象。投鞭欲斷澗。今我定歸期。天下一戎衣。舳艫聯千
里。旌旗蔽四圍。春滿瀟湘路。楊柳正依依。和風送歸鳥。綠草映

晴輝。少年惜春華。勝日鬥芳菲。來路作歸程。風景乃依稀。周公
徂東山。憂讒亦畏譏。軍中名將老。江上昔人非。建樹須及時。勤
靜宜見幾。何日摧狂虜。發揚振國威。不問個人瘠。但期天下肥。丈
夫貴匡濟。功德乃巍巍。江上送歸舟。風急不停揮。得隨擊楫志。
青史有光輝。春日雁北鄉。萬里動芳徽。鴻漸磐石願。衍衍不啻飢
。止戈以爲武。烽烟息郊圻。同胞復同仇。歸願莫相違。



中華民國十四年十一月初版

吳佩孚先生詩稿一冊

定價 大洋 三角


印刷者

永華印刷局

宣外茶食胡同
電南四九一八

代售處 北京各大書坊





64322